

Na osnovu Odluke Vlade Bosansko-podrinjskog kantona Goražde o davanju saglasnosti na „Program razvoja turizma u Bosansko-podrinjskom kantonu Goražde za 2017. godinu“, broj:03-14-1922/17 od 01.12.2017. godine, Ministarstvo za privredu Bosansko-podrinjskog kantona Goražde raspisuje:

## **JAVNI POZIV**

**za prikupljanje i odabir korisnika sredstava za finansiranje po „Programu razvoja turizma u Bosansko-podrinjskom kantonu Goražde za 2017. godinu“**

### ***I PREDMET JAVNOG POZIVA***

Predmet Javnog poziva je prikupljanje prijava apliciranih putem projekata za odabir korisnika sredstava po „Programu razvoja turizma u Bosansko-podrinjskom kantonu Goražde za 2017. godinu“. Sredstva su planirana u Budžetu Ministarstva za privredu Bosansko-podrinjskog kantona Goražde za 2017. godinu („Službene novine Bosansko-podrinjskog kantona Goražde“, broj 4/17), na ekonomskom kodu 614100 RAZ 002– Tekući transferi drugim nivoima vlasti za razvoj turizma, u visini od 80.000 KM.

### ***II NAZIV POSEBNOG CILJA PROGRAMA, SVRHA PROGRAMA KRITERIJI I KORISNICI SREDSTAVA***

Naziv posebnog cilja programa, svrha programa, kriteriji i korisnici sredstava svrstani su kako slijedi:

**Prvi poseban cilj programa:** Proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, u ukupnom iznosu od 60.000 KM

U okviru prvog posebnog cilja obezbijedit će se sufinansiranje projekata privrednih društava registrovanih za ugostiteljstvo i turizam, kao i projekata Udruženja koja se u skladu sa svojim Statutom bave turizmom i to za projekte koji se odnose na razvoj i proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde.

Prednost pri odabiru projekata imaće projekti čijom realizacijom će doći do povećanja broja dolazaka i noćenja turista na prostore Bosansko-podrinjskog kantona Goražde i unaprjeđenje turističke djelatnosti, kao i projekti koji definišu turistički proizvod sa više sadržaja čijom realizacijom će se omogućiti duže zadržavanje turista na prostoru Bosansko-podrinjskog kantona Goražde.

Privredna društva registrovana za ugostiteljstvo i turizam kao i udruženja mogu aplicirati samo sa jednim projektom i u skladu sa procedurama predviđenim Programom.

## **Svrha posebnog cilja programa**

Poboljšanje kvaliteta usluga u oblasti turizma i ugostiteljstva na području Bosansko-podrinjskog kantona Goražde s namjerom obogaćivanja ponude i stvaranja novog prepoznatljivog turističkog proizvoda, kao i novo zapošljavanje.

Svrha ovog posebnog cilja je da turistička djelatnost ima značajan utjecaj na ekonomski razvoj, zapošljavanje, generisanje dohotka i poboljšanje ukupne kvalitete života na prostoru Bosansko-podrinjskog kantona Goražde.

## **Kriteriji za izbor projekta:**

Prioritetne aktivnosti i mjere koje imaju prednost za učestvovanje u programu u okviru ovog posebnog cilja su:

- razvoj i proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde,
- unaprjeđenje turističke djelatnosti i definisanje turističkih proizvoda sa više sadržaja,
- stvaranje pretpostavki za povećanje broja dolazaka i noćenja turista na prostoru Bosansko-podrinjskog kantona Goražde prodajom novih turističkih proizvoda ili uvođenjem novih sadržaja u već postojeće turističke proizvode u cilju dužeg zadržavanja turista.

Kriteriji za izbor projekata i finansijski kriteriji će se primjenjivati u skladu sa procedurama predviđenim Programom, a ministar za privredu Bosansko-podrinjskog kantona Goražde će donijeti Pravilnik za otvaranje aplikacija i administrativnu provjeru, selekciju, evaluaciju i ocjenjivanje projekata.

## **Korisnici sredstava:**

- privredna društva registrovana za turističku i ugostiteljsku djelatnost
- udruženja registrovana i aktivna u oblasti turističko-ugostiteljske djelatnosti

**Drugi poseban cilj programa:** Izrada detaljne prostorno planske dokumentacije turističkih zona na prostoru Bosansko-podrinjskog kantona Goražde, u ukupnom iznosu od 20.000 KM

U okviru drugog posebnog cilja obezbijedit će se transferi lokalnim zajednicama u sastavu Bosansko-podrinjskog kantona Goražde (grad i općine) za sufinansiranje izrade detaljne prostorno planske dokumentacije turističkih zona koje su definisane Prostornim planom Bosansko-podrinjskog kantona Goražde, urbanističkim planovima lokalnih zajednica ili drugim dokumentima kojima su određena područja definisana kao područja od značaja za razvoj turizma na prostoru lokalnih zajednica u sastavu Bosansko-podrinjskog kantona Goražde.

## **Svrha posebnog cilja programa**

Aktiviranje prirodnih resursa s ciljem organizacije, korištenja i namjene prostora te izrade mjera i smjernica za uređenje i zaštitu prostora koji su planskim ili strateškim dokumentima

određeni kao prostori od značaja za razvoj turizma na prostoru Bosansko-podrinjskog kantona Goražde, kako bi se stvorile pretpostavke za privlačenje investicija u ovoj grani privrede.

### **Kriteriji za izbor projekta:**

Prioritetne aktivnosti i mjere koje imaju prednost za učestvovanje u programu u okviru ovog posebnog cilja su:

- usklađenost zahtjeva sa prostornim planom Bosansko-podrinjskog kantona Goražde,
- usklađenost zahtjeva sa Strategijom razvoja Bosansko-podrinjskog kantona Goražde, Strategijom razvoja turizma Bosansko-podrinjskog kantona Goraže 2016-2020.godine i strategijama razvoja jedinica lokalne samouprave,
- sadržaj projektnog zadatka za izradu detaljne prostorno planske dokumentacije

Kriteriji za izbor projekata i finansijski kriteriji će se primjenjivati u skladu sa procedurama predviđenim Programom, a ministar za privredu Bosansko-podrinjskog kantona Goražde će donijeti Pravilnik za otvaranje aplikacija i administrativnu provjeru, selekciju, evaluaciju i ocjenjivanje projekata.

### **Korisnici sredstava:**

- Grad Goražde,
- općine u sastavu Bosansko-podrinjskog kantona Goražde

## ***III PRAVO UČEŠĆA***

Pravo učešća po ovom Javnom pozivu imaju sva lica koja ispunjavaju opće i posebne uslove u skladu sa programom i koji su navedeni kao potencijalni korisnici sredstava u okviru svakog posebnog cilja.

## ***IV SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA***

Prijava mora biti urađena sadržajno po elementima zahtijevanim i u skladu sa procedurama apliciranja navedenim u „ Programu razvoja turizma u Bosansko-podrinjskom kantonu Goražde za 2017. godinu“.

Prijavu razmatra komisija za izbor korisnika sredstava, ako su dostavljeni:

- popunjeni obrasci aplikacione forme za projekte,
- potrebna dokumentacija kojom se dokazuje ispunjavanje općih i posebnih uslova po svakom posebnom cilju programa i
- ostala dokumentacija koja može uticati na vrednovanje i ocjenu aplikacija u skladu sa „Programom razvoja turizma u Bosansko-podrinjskom kantonu Goražde za 2017. godinu“.

Popis potrebne dokumentacije za navedene posebne ciljeve programa, dat je uz aplikacionu formu za projekte koju je propisalo resorno ministarstvo.

Prijave koje nisu podnešene u skladu sa procedurama apliciranja navedenim u „Programu razvoja turizma u Bosansko-podrinjskom kantonu Goražde za 2017. godinu“ neće biti predmet daljeg razmatranja komisije za izbor korisnika sredstava. Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti starija od 3 (tri) mjeseca od dana objavljivanja ovog poziva na internet stranici Ministarstva za privredu Bosansko-podrinjskog kantona Goražde, na televiziji Bosansko-podrinjskog kantona Goražde i oglasnoj tabli resornog ministarstva. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde, na televiziji Bosansko-podrinjskog kantona Goražde i oglasnoj tabli resornog ministarstva.

## ***V KRITERIJI ZA OCJENU PRIJAVE I IZBOR KORISNIKA***

Izbor korisnika finansijskih sredstava vrši komisija za izbor korisnika sredstava, koja ima zadatak da, u skladu sa procedurama apliciranja, selekcije i evaluacije projekata navedenim u „Programu razvoja turizma u Bosansko-podrinjskom kantonu Goražde za 2017. godinu“ izvrši ocjenu i rangiranje korisnika grant finansijskih sredstava.

Komisiju za izbor korisnika sredstava imenuje ministar za privredu Bosansko-podrinjskog kantona Goražde.

## ***VI NAČIN PREUZIMANJA POTREBNE DOKUMENTACIJE***

Potrebnu dokumentaciju za učešće na Javnom pozivu, pripremlilo je Ministarstvo za privredu Bosansko-podrinjskog kantona Goražde i ista se može preuzeti sa internet stranice Vlade Bosansko-podrinjskog kantona Goražde (resornog ministarstva) [www.mp.bpkg.gov.ba](http://www.mp.bpkg.gov.ba).

## ***VII NAČIN PODNOŠENJA PRIJAVE***

Prijave sa odgovarajućom dokumentacijom u zapečaćenim kovertama predaju se lično na protokol (zgrada Vlade Bosansko-podrinjskog kantona Goražde) ili šalju preporučenom poštom na adresu:

**Ministarstvo za privredu Bosansko-podrinjskog kantona Goražde**

**ul M.Tita 13, Goražde 73000**

sa naznakom:

**za Javni poziv za odabir korisnika sredstava po „Programu razvoja turizma u Bosansko-podrinjskom kantonu Goražde za 2017.godinu“ , poseban cilj broj \_\_\_\_\_**

**„NE OTVARAJ“**

Na poledini koverta obavezno navesti naziv – ime podnosioca prijave, adresu i kontakt telefon i ovjeriti pečatom.

Rok za dostavu prijava je 8 (osam) dana od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde, na televiziji Bosansko-podrinjskog kantona Goražde i oglasnoj tabli resornog ministarstva, odnosno do 18.12.2017. godine u 16,00 sati.

Prijave primljene nakon isteka roka neće biti predmet razmatranja.

U postupku Javnog poziva Ministarstvo ne snosi nikakve troškove učesnicima u Javnom pozivu, te zadržava pravo da u slučaju opravdanosti prijavu prihvati, odbije ili poništi Javni poziv.

Prispjela dokumentacija neće se vraćati.

### ***VIII OSTALE ODREDBE***

Sa podnosiocima prijava čiji se projekti odobre Ministarstvo za privredu Bosansko-podrinjskog kantona Goražde potpisuje Ugovor o utrošku finansijskih sredstava, kojim će se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon provedene administrativne procedure, Ministarstvo za privredu Bosansko-podrinjskog kantona Goražde će obavijestiti sve aplikante o rezultatima administrativne provjere.

Podnosioci prijava čije se prijave odbace ili odbiju, mogu uložiti prigovor Ministarstvu za privredu Bosansko-podrinjskog kantona Goražde u roku od sedam dana od dana objave rang liste na internet stranici Ministarstva [www.mp.bpkg.gov.ba](http://www.mp.bpkg.gov.ba) radi provjere činjenica i objektivnosti ocjene prijava.

Konačnu odluku o prijedlogu rang liste donosi ministar, a konačnu saglasnost na spisak korisnika sredstava dostavljen od strane resornog ministarstva daje Vlada Bosansko-podrinjskog kantona Goražde.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/224-264, u vremenu od 11-16 sati.

Broj: 04-14-1005-4/17

Goražde, 08.12.2017.godine

**MINISTAR**

---

Anes Salman

